



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Concordia. Pia Et Vnanimi Consensv repetita Confessio  
fidei & doctrinæ Electorvm, Principvm Et Ordinvm Imperii,  
atq[ue] eorundem Theologorum, qui Augustanam  
Confessionem amplectuntur**

**Lipsiæ, 1606**

De Potestate Et Iurisdictione Episcoporum.

**urn:nbn:de:hbz:466:1-35443**

patiatur, si nemini concedat dicere sententiā, nisi suis membris? quæ habet obligata horrendis iuramētis & maledictionibus, ad defensionem suæ Tyrānidis & impietatis, sine vīla exceptione verbi Dei. Cūm autē iudicia Synodorum sint Ecclesiæ iudicia, non Pontificū: præcipue Regibus conuenit coērcere Pontificum licentiam, & efficere, ne Ecclesiæ eripiatur facultas iudicandi & decernendi ex verbo Dei. Et ut reliquos errores Papæ taxare cæteri Christiani debent: ita etiā reprehendere debent Pontificem defugientē & impediētē veram cognitionem & verum iudicium Ecclesiæ.

Itaq; etiam si Romanus Episcopus iuste diuino haberet primatum: tamen posteaquam defendit impios cultus & doctrinam pugnantem cum Euangelio, non debetur ei obedientia, immo necesse est ei tanquam Antichristo aduersari. Errores papæ manifesti sunt, & nō leues. Manifesta est etiam crudelitas, quam exercet. Et constat mandatum Dei esse, ut fugianus idolatriā, impia doctrinā, & injustam sanguinā. Ideo magnas, necessarias, & manifestas causas habent omnes prius, ne obtemperent Papæ. Et hæ necessariae causæ piros confortantur, aduersus omnia conuicti; quæ de scandalis, de schismate, de discordia obiici solent.

Qui verò sentiunt cum Papa, & defendunt eius doctrinam & cultus, polluunt se idolatria & blasphemis opinionibus, hunc rei sanguinis piorum, quos Papa persequitur, lèdent gloriam Dei, & impediunt salutem Ecclesiæ: quia confirmant errores & flagitia ad omnem posteritatem.

## DE POTESTATE ET IVRISDICTIONE

EPISCOPORVM.

**E**VANGELIUM tribuit his, qui præsunt Ecclesiis, mandatum docendi Euangeliū, remittendi peccata,

cata, administrandi Sacra menta : præterea iurisdictio nem, videlicet, mandatum excommunicandi eos, quorum nota sunt crimina & resipiscentes rursum absolu endi. Ac omnium confessione etiam aduerfariorum liquet, hanc potestatem iure diuino communem ei omnibus, qui præsunt Ecclesiis, sive vocetur Pastor, sive Presbyteri, sive Episcopi. Ideoq; Hieronymus : pertè docet, in literis Apostolicis, omnes, qui præficiunt Ecclesiis, & Episcopos & Presbyteros esse, & citate Tito: Propterea te reliqui in Creta, ut constitutas Presbyteros per ciuitates. Et deinde addit: Oportet Episcopum esse unius uxoris virum. Item, Petrus & Iohannes vocant se Presbyteros. Et deinde addit: Quodcum postea vñus electus est, qui cæteris præponeretur, in remedium schismatis factum est, ne vñus quis faciat schismatizans Ecclesiam Christi rumperet. Nam & Alexandria à Marco Euangelista vñsq; ad Esdram & Dionysium Episcopos, Presbyteri semper ex se vñum eligebant, & in excelsiore loco collocabant, quem Episcopum nominabant: quomodo si exercitus Imperatorum fit faciat. Diaconi autem eligant ex se, quem inducunt nouerint, & Archidiaconum nuncupent. Quid enim facit Episcopus excepta ordinatione, quod Presbyter non facit? Docet igitur Hieronymus, humana auctoritate distinctos gradus esse Episcopi, & Presbyteri se Pastoris. Idq; res ipsa loquitur, quia Potestas est ei dem, quam suprà dixit.

SED vna res postea fecit discri men Episcoporum & Pastorum, videlicet, Ordinatio: quia institutum est, ut vñus Episcopus ordinaret ministros in pluribus Ecclesiis. Sed cùm iure diuino non sint diversi gradus Episcopi, & Pastoris: manifestum est, ordinationem Pastor in sua Ecclesia factam iure diuino ratam est. Itaq; cùm Episcopi ordinarij sunt hostes Ecclesiæ, a nolunt impetrare ordinationem: Ecclesiæ retinentur.

suum. Nam ubiunque est Ecclesia, ibi est ius administrandi Euangelij. Quare necesse est, Ecclesiam retinere ius vocandi, eligendi, & ordinandi ministros. Et hoc ius est donum propriè datum Ecclesiae, quod nulla humana autoritas Ecclesiae cripere potest, sicut & Paulus testatur ad Ephesios, cùm ait: Ascendit, dedit dona hominibus. Et numerat inter dona propria Ecclesiae, Pastores & Doctores. Et addit, dari tales ad ministerium, ad ædificationem corporis Christi. Vbi est igitur vera Ecclesia, ibi nec esse est esse ius eligendi & ordinandi ministros: sicut in casu necessitatis absolvit etiam Laicus, & sit minister ac Pastor alterius: sicut narrat Augustinus historiam de duobus Christianis in nau, quorum alter baptizauerit  $\kappa\alpha\tau\chi\beta\mu\epsilon\sigma\sigma$ , & is baptizatus deinde absoluuerit alterum. Huc pertinent sententiae Christi, quæ testantur, claves Ecclesiae datas esse, non tantum certis personis: Vbicunq; erunt duo vetes congregati in nomine meo, &c.

Postremo etiam hoc confirmat sententia Petri: Vos estis regale sacerdotium. Quæ verba ad veram Ecclesiam pertinent, quæ cùm sola habeat sacerdotium, certè habet ius eligendi & ordinandi ministros. Idq; etiam communissima Ecclesiae consuetudo testatur. Nam olim populus eligebat Pastores & Episcopos. Deinde accedebat Episcopus, seu eius Ecclesiae, seu vicinus, qui confirmabat electum impositione manuum, nec aliud fuit ordinatio, nisi talis comprobatio. Postea accesserunt nouæ ceremoniæ, quales muleas describit Dionysius. Sed est autor nouus & fictitius, quisquis est: sicut & Clementis scripta sunt supposititia. Deinde recentiores addiderunt: Do tibi potestatem sacrificandi pro viuis & mortuis. Sed ne illud quidem apud Dionysium est.

Ex his omnibus liquet, Ecclesiam retinere ius eligendi & ordinandi ministros, Et causam schismati & discordiae præbent, impietas & tyrannus Episcoporum:

quia Paulus præcipit, ut Episcopi docentes & defen-  
dentes impiam doctrinam & impios cultus, habeantur tanquam anathemata.

Diximus de Ordinatione, quæ vna, ut Hieronymus  
ait, discernebat Episcopos a reliquis Presbyteris. Itaq;  
nulla disputatione opus est, de cæteris Episcoporum  
officijs. Nec verò opus est dicere de Confirmatione.  
Item de Campanarū consecratione, quæ propemodi  
sola retinuerunt. De Iurisdictione aliquid dicendum est.

Constat, Iurisdictionem illa communem excommuni-  
candi reos manifestorū criminū, pertinere ad omne  
Pastores. Hanc tyrannicè ad se solos transtulerūt, & ad  
quæstum contulerūt. Constat enim, officiale, ut vo-  
cantur, non toleranda licentia vlos esse, & vel aurum  
vel propter alias cupiditates, vexasse homines, &c.  
communicasse, sine ullo ordine iudiciorum. Quæ est  
autem tyrannis, officiales in ciuitatibus habere pot-  
statem, suo arbitratu, sine ordine iudiciorum, damnandi  
& excommunicandi homines? Et hæc potestate quælibus  
in rebus abusi sunt? videlicet non in puniendo  
veris delictis, sed in iejunis aut serijs violatis, aut simili-  
bus nugis. Tantum adulteria interdum puniebant:  
& in hac re sœpè vexabant innocentes & honestos ho-  
mines. Porrò cum hoc crimen sit grauissimum, certe,  
sine ordine judiciali nemo damnandus est. Cum igitur  
hanc Iurisdictionem Episcopi tyrannicè ad se solos  
transtulerint, eaq; turpiter abusi sint: nihil opus est  
propter hanc Iurisdictionem obedire Episcopis. Sed  
cum sint justæ causæ, cur non obtemperemus? rectum  
est, & hanc Iurisdictionem reddere pijs Pastoribus, &  
curare, ut legitime exerceatur, ad morum emendationem, & gloriam Domini.

Reliqua est Iurisdictione in ijs causis, quæ jure Cano-  
nico ad forum, ut vocant, Ecclesiasticum pertinent, ac  
præcipue in causis matrimonialibus. Hæc quoq;

habent Episcopi humano iure, & quidem non admodum veteri, sicut ex Codice & nouellis Iustiniani apparet, iudicia matrimoniorum tunc suisse apud Magistratus. Et iure diuino coguntur Magistratus Mundani hæc iudicia exercere, si Episcopi sint negligentes. Idem concedunt & Canones. Quare etiam propter hanc iurisdictionem non necesse est obedire Episcopis. Et quidem cum leges quasdam considerint iniustas de coniugijs, & in suis iudicijs obseruent: etiam propter hanc causam opus est alia iudicia constitui. Quia traditiones de cognatione spirituali sunt iniuste. In iusta etiam traditio est, quæ prohibet coiungum personæ innocentis, post factum diuortium. Etiam iniusta lex est, quæ in genere omnes clæ destinas & doctolas desponsationes contra ius parentū approbat. Est & iniusta Lex de celibatu sacerdotum. Sunt & alij laquei conscientiarū in eorū Legibus, quos omnes recitare nihil attinet. Illud satis est recitasse, quæ multæ sunt iniuste leges Papæ, de negotijs matrimonialibus, propter quas magistratus debent alia iudicia constituere.

Cum igitur Episcopi, qui sunt addicti Papæ, defendant impiam doctrinam & impios cultus, nec ordinent pios Doctores; immo adiuvant scuttiā Papæ; præterea iurisdictionem eripuerint Pastoribus, & hanc tantum tyrannicè exerceant: postremò cum in causis matrimonialibus multas iniustas leges obseruent; satis multæ & necessariæ causæ sunt, quare Ecclesia non agnoscent eos tanquam Episcopos. Ipsi autem meminerint, opes datas esse Episcopis, tanquam eleemosynas, propter administrationem & utilitatem Ecclesiarum, sicut inquit Regula: Beneficium datur propter officiū. Quare nō possunt bona conscientia possidere illas eleemosynas: & Ecclesiam interim defraudent, cui opus est illis facultatibus ad ministros aleandos, & iuuanda studia, & suppeditandū certis pauperibus, & cōstituēda iudicia,

præsertim matrimonialia. Tanta enim varietas & magnitudo est controversiarum matrimonialium, ut hi opus sit peculiari foro, ad quod constituendum opus est Ecclesiæ facultatibus. Petrus prædictus futuros impios Episcopos, qui eleemosynis Ecclesiarum abutentur ad luxum, neglecto ministerio. Sciant ergo illi, qui Ecclesiam defraudant, etiam eius sceleris penas Deo se daturos esse.

## DOCTORES ET CONCIONATORES, QVI CONfessioni Augustanae & Apologiae subscripsérunt.

ANNO M. D. XXXVII.

**D**E mandato illustrissimorum Principum & ordinum, ac ciuitatum Euangelij doctrinam professantium, relegimus articulos Confessionis exhibet Imperatori in Conuentu Augustano, & Debetificio omnes Concionatores, qui in hoc Smalcaldensi conuentu interfuerunt, consentientes profitentur, se iuxta articulos Confessionis & Apologiae sentire, & docere in suis Ecclesijs. Profitentur etiam, se articulum de primatu Papæ, & eius potestate, & de potestate & iurisdictione Episcoporum, qui hic Principibus in hoc conuentu exhibitus est Smalcaldix, approbare. Ideò nomina sua subscribunt.

Ego Iohannes Bugenhagius Pomeranus D. subscripsi articulus Confessionis Augustanae, Apologiae, & articulo de Papatu Smalcaldia principibus oblatu.

Et ego Urbanus Regius D. Ecclesiæ in Ducatu Lubneburgensi Superintendens, subscribo.

Nicolaus Ambsdorff Magdeburgensis subscripsit.

Georgius Spalatinus Aldenburgen sis subscripsit.

Andreas Osiander subscribo.

M. VIII